

100 гектар газр болгънас малин шим-шүүс

ТОЛМАЧЕВ А. К., селәнә эдл-ахун наукин кандидат.

Эдлгддг 100 гектар газр болгънд малин шим-шүүс гаргългъ икдүүлгън—селәнә эдл-ахун цуг кӧдлӧчирин, специалистрин гол тӧр болджана.

Ӧдгӧ цагт республикин цуг колхозмудар болн совхозмудар 100 гектар болгънд 37 хӧн бӧӧнӧ. Хӧ ӧсклгъӧр авсн даалгъвран кӱцӧахин тӧлӧ эн тоог эрки холвх кергтӧ. Энӱг кӱцӧахд манд цуг эв-аргънь бӧӧнӧ.

1958 джилин январин 1-г шинд Западный болн Яшалтинск райодин 10 колхозмуд болн совхозмуд 100 гектар газр болгъндан 75 гар хӧдтӧ билӧ, эн райодин Сталинӧ нертӧ болн „Заветы Ильича“ колхозмуд болхла, 100 гектар

газр болгъндан 94—96 хӧдтӧ бӧӧсмн.

Торгън нооста хӧд ӧсклгъниг тӱргдӱлхин тӧлӧ нӧӧдир хӧддин дӱнъгнь цуг хӧднд багъ гихдӧн 45—50 процент болх эвтӧ. Ӧдга цагт республикин цуг хӧднд зугл 37 гар процентнь нӧӧдир хӧд болна. Республикин тӱрӱн нуурин эдл-ахус—„Черноземельский“ совхозин болн балгъсна Сталинӧ нертӧ колхозин хӧднд 45 гар процентнь нӧӧдир хӧд болна.

Хӧн малиг тӱгӧр ӧсклгънд увлӧр, эрт хаврар хӧд хургълуллгън эрки чинртӧ. Эн тӧрриг республикин эдл-аху болгънар ӧргӧр деагрӱлх кергтӧ.